

Guangjisi Minzcu Bau

ganhhau: CN45-0036 B.2013 Nd.3 Ng.27 liggaeuq gveiqceih nienz ndwenngleih cibloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3066期

Yungzsuij Gungjdung Yangh:

“Haj Hangh Cidu” Coicaenh Minzcu Doxgiet

融水拱洞乡:“五项制度”促民族团结

Bi' gvaq, Yungzsuij Myauzcuz Swciyen Gungjdung Yangh hopheux aen cawjdaez “gak minzcu doengz-caez doxgiet haenqrengz、doengzcae fanzyungz fazcanj”, dingh “haj hangh cidu” cizgiz gaihcanj minzcu doxgiet cinbu cauxguh hozdung.

It dwg yenzgiu minzcu gunghcoz cidu. Dinghseiz yenzgiu guh hong cauxguh minzcu doxgiet cinbu, cienz gij cingsaenz vwnzgen baihgwnz, hezdiuz mingzcuz gunghcoz gvenhaeh, gajgez gij vwndiz haenq.

Ngeih dwg cietgingq doxlien hozdung. Yangh dangjvej、cwngefuj leihyungh cietgingq geizgan cizgiz

cujciz gak minzcu gaihcanj “fwngz beng fwngz、guh lauxdoengz” daengj minzcu daegsaek doxlien hozdung, fungfouq gij saedcej vwnzva gyoengqvunz saujsu minzcu.

Sam dwg doxgyau doxcunz cidu. Yangh ganbu doxfaen caeuq gyoengqvunz saujsu minzcu guh baengzyoux, dinghseiz doxgyau、gangjgoj、doxcunz daengj, guh daengz “seiq aen coj cunz”, couhdwg baenzbingh coj cunz、miz nanz coj cunz、ndawranz doxceng coj cunz、miz cingzgvang daegbied coj cunz.

Seiq dwg doxdingj doxceng baizcaz cidu. Yangh dangjvej、

cwngefuj cizgiz guh ndaej hong baizcaz, cizgiz guenj nem fuzvu ndei gyoengqvunz saujsu minzcu louzdoengh, ndei ndei cawqleix gij doxdingj doxceng yingjyangj sevei onjdingh haenx.

Haj dwg bang gungz coengh hoj cidu. Yangh dangjvej、cwngefuj gaengawq cingzgvang ndaw yangh, yawj seiz guh hong, cizgiz cam baihgwnz aeu cienzngaenz, haenqrengz vih gyoengqvunz saujsu minzcu banh saehsaed、saehndei, cizgiz caeuq mizgven bumwnz guh ndei hong bangcoengh hoh saujsu minzcu gungzhoj gajgez nanzdaez.

(Veiz Lonzcih Veiz Mingzcinh)

Liujcouh Si Banh Gihcwngz Vwnzva Duivuj Beizyinbanh

柳州市举办基层文化队伍培训班



Vihliux hawj daengx si gihcwngz vwnzva duivuj mboujduenh daezsang vwnzyi cangcoz suijbingz, hawj gyoengqde cangcoz ok gij minzcu vwnzyi cozbij engq lai engq ndei, mboujduenh fungfouq gihcwngz gak cuz ginzcung vwnzva swnghoz, 3 nyied 21 hau daengz 22 hau, Liujcouh Si youq Yungzsuij Myauzcuz Swciyen gawjbanh gihcwngz vwnzva duivuj cangcoz heiq、suijbij、foux beizyinbanh. Ndaw si gak yienh gih vwnzdijgiz mizgven lingj-dauj nem ganbu、yanghcin vwnzva gvangjbocan duivuj daengj 120 baux gihcwngz vwnzva duivuj guzgan camgya le beizyin. Ndaw doz dwg beizyinbanh yienhciegz.

(Gung Siengzyouj ingj)

Yizcouh: Bi' gvaq Miz 3000 Hoh Saujsu Minzcu Gungzhoj Ndaej Youq Ranzmoq

宜州:去年3000少数民族贫困农户住新房

Bi' gvaq, Yizcouh Si dawz hong gajguh doenghgiej ranzyiemj dieg saujsu minzcu comzyouq haenx dangguh hangh gunghcwngz vih vunzlai guh saehsaed he(gungh miz 10 hangh), laebguh lingjdauj gihgou、dingh ndei saedhengz fangh'an、lozsiz gajguh duiheng、gibseiz fathawj cienzngaenz、cizlieng guenj-leix daengzgiz. Youq lozsiz gajguh

duisieng fuengmienh, sien anbaiz lajmbanj gij vujbaujhu saujsu minzcu gag youq、dihbaujhu nem hoh gungzhoj wnq. Ndawde, anbaiz vujbaujhu saujsu minzcu gag youq 31 hoh, dihbaujhu 413 hoh, ranz bauxcanz 174 hoh, gijwnq cungj dwg hoh gungzhoj lajmbanj. Vih bauj ranzyiemj gajguh gunghcwngz gensez cizlieng ndei, Yizcouh Si anbaiz

doenghboux conhyez bae gak yangh (cin) ranzyiemj gajguh yienhciegz gamcaz, sawj gensez byauhcanj、dingj deihdengh caeuq cizlieng ancienz guh hab gveihding. Aen si neix bi-gvaq daihngleih buek lajmbanj ranzyiemj gajguh yinvu miz 3000 hoh, daengz nienzdae gaenq guhsat lo, caemhcai doenggyaq niemhsou.

(Cwngh Siuimeiz)

SIUSIK DINJ

简讯

● 3 nyied 16 daengz 18 hauh, Libuj Yen gawjbanh gunghgung vwnzva beizyinbanh, neiyungz baugvat yinhyoz、caijdiu byauj-yenj、diuqfoux、suhfaz nem vehdoz daengj, mienxfei vi gyoengqvunz gyaer vwnzva haenx daezhawj bingzdaiz, caemhcai gawjbanh le beizyin veibau yienjok.

(Cauh Cinyenj)

● 3 nyied 17 hauh, Yungzsuij Myauzcuz Swciyen Myauzcuz Yoz-vei daih'it baez veiyi youq ndaw yienh minzcuzgiz gawjhengz, 61 baux veiyen comz daej dox-yaeng, byaujgez doenggyaq le 《Yungzsuij Myauzcuz Swciyen Myauzcuz Yozvei Cujciz Gihgou Caeuq Cwzyin Faengoeng Saedhengz Fangh'an》.

(Cinz Cunghdwz)

● 3 nyied 16 hauh, dwg lig-gaeuq ngeih nyied co'ngux, Sanh-gyangh Duncuz Swciyen Liengz-gouj Yangh nem Hozlij Yangh banh aen hoihmiuh hung he. Ngoenz-haenx, miz hoihmiuh youzhangz、baiqcae samvuengz、heiq samvuengz、heiq Duncuz daengj gij minzsuz hozdung gig ndeiyawj nem miz daegsaek, neix yinx le fanh lai baux vunz henzgyawj nem hekyouz daej camgya.

(Vuz Lenzinh)

● Bi' gvaq, Vujmingz Yen dajndaem byaekgwn seizdoeng nem seizcou 50.28 fanh moux, ndawde byaekgwn seizcou 24.12 fanh moux, byaekgwn seizdoeng 26.16 fanh moux; daengx yienh gij byaekgwn seizdoeng nem seizcou cungcanjciz 7.5 ik maenz, saedyienh nungzminz moix baux bingzyaenz canjciz 1320 maenz, moix baux demsou 530 maenz.

(Lij Gwnhgez)

● 3 nyied 13 hauh dwg Yungzsuij Myauzcuz Swciyen Duncouz Yangh daih 25 gaj “ngeih nyied ngeih” ciet bauqva, gyawj fanh vunz daj dieg henzgyawj daej camgya. Aen yienh neix minzcuzgiz leihyungh aen gihvei neix, youq hozdung yienhciegz venj gij baengzvang senhconz minzcu doxgiet, nda daiz camdap senhconz minzcu cwngecwz, fat 1000 lai faenh swliu, ciepdaih vunzlai camdap 100 vunzbaez.

(Fung Sauswh Veiz Lonzcih)